

LENANEO LA SARS LA MOSHWELELLA LA TSHENOLO YA TSOHLE KA BOITHAOPHI

Tshwane, 30 Pudukwana 2022, Ditshebeletso tsa Lekgetho tsa Afrika Borwa (SARS), ho latela dintlha tsa Molao wa Taolo ya Lekgetho wa Nomoro ya 28 wa 2011, di entse hore Lenaneo la Tshenolo ya Tsohle ka Boithaopo (VDP) e be la moshwelella bakeng sa batho ka bomong ba monyetleng ona, dikhampani kapa dithraste tse monyetleng wa sena tse batlang ho senola le ho lokisa merero ya tsona ya lekgetho. Mohato ona o tsamaisana le maikemisetso a mawala a SARS, a batlang ho fana ka tlhakisetsa le tiisetso le ho nolofaetsa balefalekgetho le bahwebi ho ikobela boitlamo bona ba bona.

SARS e lakatsa ho kgothaletsa balefalekgetho bohle bao ka mohlomong merero ya bona ya lekgetho e seng hantle, ho atomela Lenaneo la Tshenolo ya Tsohle ka Boithaopo la SARS. Ka ho itlela feela, balefalekgetho ba jwalo ba tla fumana thuso le keletso ho tswa ho SARS hore ho tle ho potlakiswe tharollo ya dikopo tsa bona. Ebang ka lebaka la metjha ya SARS ya diphuputso re fumana hore ho bile le ho se ikobele, SARS e ka se fane ka monyetla ona ho balefalekgetho ba sa ikobeleng empa e tla etsa tsohle ho bapa le molao ho tobana le ho se ikobele hona.

SARS e lomahantse meno ho phethahatsa maikemisetso a yona a mawala, e leng ho phahamisa boikobelo ba tefo ya lekgetho ka boithaopi ha ka nqa e nngwe ho ntse ho fokotswa ditjeo tsa boikobelo. Ho fihella sena, re batla hore balefalekgetho bohle ba utlwisise hore kamehla ho tla dula ho na le monyetla wa hore ba lokise merero ya bona ya lekgetho. Le ha boikobelo ka boithaopi e le boikgethelo ba rona ba mantlha, SARS e ntlafatsaditse bokgoni ba yona ba ho fokisa le ho etsa hore dintho di be theko e hodimo bakeng sa balefalekgetho ba sa ikobeleng tefo ya lekgetho.

Balefalekgetho ba nang le diphoso tsa lekgetho le SARS mme ba lakatsa ho fumantshwa kimollo ya dikotlo tsa bona, le ho qoba ho tjhothiswa ka molao ba ka ithaopela ho senola merero ya bona e morao ya lekgetho. Diphoso tsa lekgetho, di qala ka dikgutliso tse morao, ho fana ka lesedi le fosahetseng kapa le sa nepahalang kapa ho hloleha ho fana ka lesedi leo SARS e le kopileng mabapi le mofuta ofe kapa ofe wa lekgetho oo le o tsamaisang, ho sa akaretswa dikgafa tsa dihlahiswa tsa naha le dilevi tse lefisiwang ho latela Molao wa Bolaodi ba Meedi le Dihlahiswa tsa Naha, wa 91 wa 1964.

Lenaneo la Tshenolo ya Tsohle ka Boithaopo ke monyetla o ikgethang bakeng sa balefalekgetho ba entseng diphoso ho lokisa merero ya bona ya lekgetho, SARS e kgothaletsa balefalekgetho ba amehang ho sebedisa sesebediswa sena sa molao.

Molefalekgetho ya nang le diphoso o tla fuwa kimollo tlasa lenaneo lena ebang kopo ya hae e ikamahanya le ditlhoko tsena tse latelang:

- Tshenolo e tlameha ho ba ya boithaopi;
- Tshenolo ke e fellelseng ka hohlehohele;
- Tshenolo e na le phoso e so kang e etsahala nakong ya dilemo tse hlano tsa tshenolo ya phoso e tshwanang;
- Tshenolo e akaretsa boitshwaro bo boletsweng tafoleng ya kotlo ya ho se senole tsohle e Karolong ya 223 ya Molao wa Taolo ya Lekgetho;
- Tshenolo e keke ya baka hore ho be le pusetso e lokelang ho leshwa ke SARS; mme
- Tshenolo e entswe foromong e laetsweng le ka tsela e behilweng.

Ba batlang ho etsa dikopo tsa VDP ba ka etsa jwalo ho SARS eFiling.

Dikopo tse atlehileng tsa VDP di tla qetella di bakile hore ho be le tumellano eo yona e tlang ho akaretsa tsena hara tse ding:

- Dintlha tse mabapi le diphoso tse senotsweng;
- Bokaalo bo lokelang ho leshwa ke molefalekgetho ho akareditswe le kotlo ya ho se senole tsohle e tlang ho ba ka thoko;
- Kimollo eo SARS e tlang ho fana ka yona tlasa Lekgetho lena la VDP;
- Ditlhophiso tsa tefo mmoho le matsatsi a mabapi le lekgetho le lokelang ho leshwa, le
- Taba ya hore kimollo e ka hulwa ebang SARS e ehlwa ka morao hore tshenolo e jwalo e ne e se ya nnete le e fellelseng tlasa Lekgetho la VDP.

Ho fumana lesedi le fetang lena, ka kopo ikopanye le SARSMedia@sars.gov.za kapa romela imeile ho: vdp@sars.gov.za kapa letsetsa: 0800 864 613.